

Fortsetzung vu dor Seit 6



su ging en des ze Herzn! Viel ham mietgesunge un jede Menge Beifall geklatscht, sei aufgestandn un ham den gutn Maa su gewürdicht..

Als nooch ettlign Zugobn des Programm ze End war un die vieln Leit naus of de Gäng sei, saat ich ze meiner Fraa, iech bleib mol do stieh, des mor de Annita beim Nausgieh net vorliern. Do hob iech miech of de Seit gestellt, dodormit alle Leit gut an mir vorbei kunntn, hab se aa alle freindlich aagelächet un miech dorbei mit de Händ mein Kopp gehalten un mitn Arm an de Heizingsimranding ogestitzt.

Mit emol kimmt e ältrer Maa vorbei, kloppt mir of de Schulter un saat: „Des habt ihr heit aber wieder gut gemacht, des war wieder ne wunner-schiene Voranstaltung!“

Iech war erscht kurz emol weng vordattert, hab miech aber artich for seine Annerkenning bedankt. Dar hatt werklich gedacht, iech wär immer noch im Kulturhaus in Amt un Würdn! Dodorbei bi iech doch schu seit ieber 10 Gahrn in dor Senjornrente!

Aber schie wars doch wieder emol gelobt ze warn - un des dar miech nooch su viel Gahrn noch dorkannt hat!

Eh mir de Annita eham gefahrn ham, bi iech noch emol kurz zen Kulturhaus-Chef nei un hab iehm des Lob wetter gabn!

Bis zen nächstn mol – eier Schmidt!

FAHRDIENST

Wer am 16.04.26 abgeholt und wieder nach Hause gefahren werden will, der möchte bis **15.00 Uhr** anrufen:

Karin Bauer Tel.-Nr.: 3641 (auch auf Anrufbeantworter)



Erzgebirgischer Heimatverein
Eibenstock e.V.
Karlsbaderstraße 2
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
253

Mitteilungsblatt des
Erzgebirgischen Heimatvereines
Eibenstock e.V.

April
2026



Itze schmetter se wieder, die ...linge

's is Usterzeit

Wacht auf ihr Leit, 's is Usterzeit!
Dor Star rufts ro vun Baam,
vorgaßt de Sorgn, löst Zank un Streit,
is wird wieder e ganz nei 's Labn.

Dor Winter mit dor lange Nacht,
voll Eis un Kält un Schnee,
dar hat siech ausn Staub gemacht
drubn vu dor höchstn Höh'

De Lerich is schu aufgestiegn,
de Zipp singt aa ihr Lied,
de Finkn schlogn, de Zessing fliegn,
an Bachl is Blüml blüht.

Un ausn tiefn Waldgrund rauf
klingt uns e Rauschn zu:
Oh Menschnherz wach aa mit auf,
oh Mensch sei aa mit fruh.

Un guck tief in de Herzn nei,
host du wos Schlachts gesät,
reiß aus, schmeiß wag, 's is Usterzeit,
wach auf, sinst is ze spät

Anton Günther



Wir gratulieren unseren Heimatfreunden

Matthias Schürer	am 01.04. zum 69. Geburtstag
Monika Gläser-Oelsner	am 06.04. zum 70. Geburtstag
Denise Ullmann	am 11.04. zum 44. Geburtstag
Lothar Jung	am 14.04. zum 72. Geburtstag
Antje Haustein	am 22.04. zum 63. Geburtstag
Elke Schürer	am 26.04. zum 66. Geburtstag
Yves Ullmann	am 27.04. zum 11. Geburtstag
Bernd Baumgärtel	am 28.04. zum 81. Geburtstag



Wenn de nicht andersch ze redn waßt
als Schlachts ieber annere Leit,
do halt när lieber glei dei Maul,
betracht die Schlachtlichkeit!
Anton Günther (1912)



Ieberraschungsgäst

- iech glaab, des sei de Bestn,
die iech eilodn konnt -

Donnerstich, ne 16.04., 18.00 Uhr
in dor Imbiss-Stub an dor Vodlstroß

Wos brengt uns dä dor Mai?

Nu mol saah...

am 7. Mai 2026, 18.00 Uhr
in de ImbissStub
an dor Vodlstroß!

???

Wieder mol im Kulturhaus Aue



Wos macht mor net heizetog allis an Obnd? Fernsah, Ratsln, ewos im Kompjuter rimharmaarn un sortiern un halt aa emol guckn, wos Neies aber aa Falsches gibt in den Innernet.

Beim schnelln Laasn un ettliche Seitn durchblättern stand of emol dortn: dor Udo kimt ins Kulturhaus nooch Aue. Wos, dor Udo Jürgens salberst? Naa, dar is doch schu vor e paar Gahrn gestorbn, mir ham doch aa vor net all zu langer Zeit die schiene Sendung im Fernseher gesah, die seine Kinner un ettliche Stars ihm ze Ehrn gestalt ham. Noch emol noochlaasn: Aha, do kimmt aaner, dar ne gut noochmachn ka, su super gut Klavier spielt un genau su singe ka wies Orginal! Un dar brengt aa noch ne Fraa mit, die eweng ausn Labn vun Udo dorzählt, als wärer salberst do! Nu do, schnell richtich noch emol nei geguckt of de Innernetseit vu meiner ehemalign langgähning Arbistsätt un Kartn bestellt: Saalplan aufrufn – och, do sei mor doch schu in dor Reih 11 – grad noch zwee frei in dor Mitt! Vor ettlichn Gahrn warn mir schu mol in dor Stadthall in Zwicke, do hat dor Udo noch salberst gesunge un gespielt. Des war dozemol e wunnerschiener Obnd. Zen Schluss musst ar noch e paar Zugobn bringe un die hatter ja immer in sein weißn Bodmantl vürgetrong. Un itze wolltn mir emol hern un sah, öb des jemand genau su gut rieber bringe ka.

Zwee Tog vor den Termin ruft mieh doch unner Voreins-Ehrnmitglied, de Annita, ofn Händi a un freecht, öb iech ihr wie ausgemacht noch ne Kart vorsorgn konnt... Ach du lieber Schrack, des hatt iech gar nimmer of mein Schirm, des hattn mir doch währnd unnrer Fosndfeier ausgemacht! Nu aber schnell in Aue aagerufn: „Nu mach dir kaane Sorgn“, saat die Dame am Telefon, „for diech ham mir schu noch e schiens Platzl, sugar in dor Reih 4 un aa noch genau in dor Mitt! In bessern Sitz kaste gar net kriegn!“ Un schu war die Sach geklärt. Am Voranstaltungstog ham mir se dann in dor Schlem ogehult un nei nooch mein Kulturhaus gefahrn. Im großn Fojev soßn mir vornewag eweng un ham nochn klenn Schluck genumme. Dodorbei kunnt iech aa noch e paar alte Bekannte begrießn un halt e bissl latschn. Dann kam endlich dor dorsehnte Auftritt vun den Beedn un des war imwerfnd: wenn mor de Aagn zugmacht hat, kunnt mor denkn, dor Orginal-Udo tät do vorne singe un spieln! Des kaa mor aafach net beschreibn, wie schie des war, ne richtsche Gänshaut hat mor do okricht,

Fortsetzung auf der Seite 8

... un wieder mol wird fleißich gespielt...



Ganz zeerscht emol e leberblick in unnern Spiel-Salung an dor Vudlstroß! Allezam sei mit Inbrunst oder gar Spielsucht ganz dorbei!

Unner Spieleobnd, do brauchn mir ja nicht wetter an Technik, när Spiele, Spiele... saat dor Matthias ze mir. Aber eweng Zeich muss trotzdem sei, zemol iech de neie Technik vu dor Imbiß-Stub ausprobirn wollt. Do muss mor eweng wos imsteckn, dodormit des mit



unneren Zeich paßt. Un wos söll iech eich sogn? Probiern gieht abn doch lieber studiern!

Allis ging mit de richtschn Schnierle prima, is Mikro deutlich ze vorstieh un de Musik aa schie laut un gut genuch.

Wu mor fertich warn, kame aa schu de erschn ageschwanzelt un ham siech in Platz gesichert. Dor Kellner war aa glei ganz eifrich dorbei un hat de Trinkereibestellunge aufgebumme.



Inzwischn war aa unnere neie Vürsitznde do un die konnt dann unnern Spielobnd doröffne. Die muß noch wenig vürsichtlich laafn mit ihre Krickn, denn sune Schnippelei an Knie dauert nu mol ne ganze Weil. Hauptsach, des Ding gieht dann wieder richtich, weil se im „Blaue Wunner“ ja mächtig imhaarspringe muß.



Wie immer wurd erscht is Neiste durchgakaut eh de richtsche Asserei kam. Währnd dessn hab iech schu mol is Vidjo vu unnern Schneeweissl un in Rosnrut laafn lessn. Irgdwan warn alle satt un zufriedn. Su schnell konnt mor gar



„Läßt mieh ja in Ruh un schmeißt mieh net andauernd wieder naus! Iech will heit gewinne!“

net guckn, warn de unnerschiedlichstn Spiele schu of de Tisch ausgebreit wurn, un lus gings.

Am erschn Tisch wurd Skip-Bo gespielt un dann aa noch Kniffel, die annern hattn Rommee in dor Zerr un an de annern Tisch gobs noch viel meh Spielerei. Ganz hintn soßn de Skatbrieder zam. Doch, halt! Do stimmt doch wos net. Ach ja, unner Rainer muß ja is Krankenhaus besuchn un sei guts Herz richtn lessn.



Un desserwagn is for ne de Petra eigesprunge. Also war des dann e gemischts Trio aus Skaterin un Skater. Tja su is des, mir sei abn modern: kaum ham mir allis Weiber im Vürstand, do spieln se aa noch „Krang-Hand“ mit! Un war hat gewunne zen Schluss? Nu de Petra, die hat die 2 Manner ganz

schie mit ihrn Trimpfn geärchert! Nu is aber genuch, im nächstn Gahr wird erscht wieder voreinsmässich gespielt! Wos ihr dorham for Spielerein macht, is mir fei piep egal.

Bis zen nächstn mol – eier Schmidt!



„Soocht nár mol ne Wirt, des des heit länger dauert, mir wern aafach net fertich, do musser de Kneipp weng länger auflessn!“

